



Quæstiones Canonicæ De Decimis

Friderich, Melchior

Ingolstadii, 17010 [i.e. 1710]

Quæstio I. An Transactione, Compromisso, aut Permutatione, acquiri jus
decimandi possit.

[urn:nbn:de:hbz:466:1-61677](https://nbn-resolving.de/urn:nbn:de:hbz:466:1-61677)

juris sit, præsumitur datum esse non solum quoad certos tantum fructus, sed etiam quoad certos solum fundos. Ut igitur prætendere possit jus percipiendi decimas ex tritico in agris, in quibus hactenus Parochus percepit ex hordeo, aut privilegium hujus juris exhibere debet, aut probare, quod à tempore immemoriali sui antecessores decimas ex his fundis percepient, quicunque fructus inde proveniunt. Consentit Everhard. l.c.

& Monasterium, aliūmve decimatorem Ecclesiasticum, & hic probare posset, se hactenus promiscue ac universim decimasse triticum & secale in hac Parochia, Parochum avenam dntaxat & hordeum, jus ipse, & non Parochus, haberet triticeas decimas ex agris controversis colligendi, juxta dicta n. 402. & 412. E contrario penes Parochum jus foret, si alter ex certis dntaxat agris illas percepisset, juxta dicta n. 406.

427 Si verò lis esset inter Parochum

C A P U T I I.

De Ecclesijs & Ecclesiasticis, quibus debentur Decimæ Jure extraordinario,

Q U A E S T I O I.

An Transactione, Compromisso, aut Permutatione, acquiri Jus Decimandi possit.

S U M M A R I U M.

- | | |
|--|-----------------------------------|
| 428. Multiplex modus acquirendi Jus Decimandi. | Transactionis. |
| 429. Acquiritur Transactione. | 431. Etiam Compromisso obtinetur. |
| 430. Requisita & effectus talis | 432. Et Permutatione. |

428 Cūm hactenus decimum sit, quib⁹ Ecclesijs & Clericis Jure ordinario jus decimandi competit, sēpe verò hoc jus possideant Ecclesijs & Clerici, quib⁹ SS. Canones resistunt; idcirco inquirendum nunc est, quinam sint legitimi modi, quibus à propria Ecclesia & Parocho ad extraneos devolvuntur. Tituli, de quibus dubitari potest, sunt: *Transactio,*

B b actio,

actio, Compromissum, Permutatio, Venditio, Locatio, Unio Ecclesiarum, Privilegium, Investitura, Consuetudo, Prescriptio.

429 Assert. I. Vi Transactionis acquiri jus decimandi potest. v. g. si plura sunt prædia, de quorum decimis litigatur inter Ecclesiasticos, transigi potest, ut uni parti hæc, alteri alia prædia assignentur; vel ut decimæ dividantur, si unicum prædium est litigiosum. Ita habetur c. 2. & 8. de transact. & c. 3. h.t. Neque obstat c. 4. 6. & 10. de transact. ubi vetatur transactio super jure spirituali: quia ibi sermo est solùm de casu, quo intervenit res temporalis, ut notat Canis. q. 10. n. 4.

430 Nonnulla tamen hic observa. I. Ut transactio sit legitima & Simoniam non involvat, necesse est, nullum pretium interveniat, quo jus spirituale decimarum ematur, ut patet ex cit. c. 4. 6. & 10. II. Ut transactio sit perpetua & successores liget, accedere debet consensus Superioris cum causæ cognitione. ut patet ex cit. c. 8. secus ligabit quidem ipsos transigentes, non verò successores, ut sumitur ex cit. c. 3. & 8. & ibi notant Gloss. ac Panor. n. 2. & in c. 7. h.t. n. 4. sapientiusque decidit Rota Rom. teste Barbosa l. 2. Fur. Eccl. c. 26. §. 4. n. 26. Superioris nomine hic intelligitur non solùm Episcopus, sed etiam inferior Prælatus, si auctoritatem quasi Episcopalem habet: nec non Vicarius Generalis, ut tradunt Rebuff. q. 13. n.

23. & 24. Fazundez in s. præc. Eccl. l. 3. c. 2. r. s. Barbosa l. c. ac alij contra Aufrer. III. Transactio indefinite facta procedit de decimis non solùm presentibus, sed etiam futuris. Hiac si Monasterium transegit cum Parocho, & alia postea acquirat prædia, ex his quoque decimas colligit. arg. c. 22. de Privit. Gloss. in c. 3. h.t. Pirrhing h.t. n. 120. Lebr. Fori Beneficio. p. 1. q. 477. IV. Si Ecclesia per transactionem graviter laesa est, poterit tam ipse, qui transegit, quam successor, agere ad rescissiōnem, juxta c. 6. de reb. Eccl. alien. & docent Rebuff. l. c. n. 34. Fagund. n. 20. Graviter laesa censetur, quando vix remanet, quod ad ministrorum sustentationem aliisque onera sustinenda sit satis. V. Transactioni isti non derogatur per privilegii exemptionis à decimis, nisi de illa fiat mentio arg. c. b. t. partim quia Princeps non censetur velle tollere jus speciale alteri quæsumit c. 38. de rescript. c. 5. de auct. & 13. uPall. c. 1. 5. de off. deleg. c. 12. de off. ordin. partim quia verisimiliter privilegii non concessisset, si nota ipsi fuisset transactio, cum non facile rescindenda sint, quæ inter partes sunt transacta. l. 1. 6. C. de transact. Quam ratione transigi possit super decimis non solvendis, tam præteritis, quam futuris, dixi à n. 307. & n. 314.

Assert. II. Jus decimarum per compromissum unilitigantium auferri, alterique acquiri potest, tam totum

tetum quām ex parte. Sumitur ex
c. 7. de his, que sūnt à Prelat. junct.
c. 1. de arbitr. & tradit communis.
Duo tamen requiruntur. I. Consen-
sus Superioris aliaque solemnitates
ad alienationem rerum Eccles. ne-
cessariæ: quia quando aliquid pro-
hibetur, prohibentur omnia, qua
ex illo sequuntur. reg. 39. in 6. At
ex compromisso frequenter sequi-
tur alienatio: est ergo prohibitum,
nisi adhibeantur dictæ solemnita-
tes. II. Arbitri debent esse Clerici:
laicus enim de spiritualibus, uti ju-
dicare, ita arbitrari nequit. c. 8. de
arbitr. Possunt tamen cum con-
senus Superioris Ecclesiastici Cleri-
co compromissario adjungi unus
vel plures laici, juxta c. 9. de arbitr.

Assert. III. Jus Decimarum u. 432
nius Ecclesiae permutari potest cum
jure decimarum alterius Ecclesiae.
Ita communis DD. patetque ex c. 6.
de rer. permut. ubi permittitur per-
mutatio Ecclesiarum & possessio-
num, & ita quidem, ut si possessio-
nes unius minus valeant quām al-
terius, defectus illarum pretio
compensari possit, & ex c. ult. eod.
ubi solum damnatur permutatio
temporalis rei cum spirituali; non
item spiritualis cum spirituali. Au-
toritas tamen Episcopi interve-
niat necesse est. c. statuimus 2. de
transact. quia permutatio est spe-
cies alienationis. c. nulli de reb.
Eccl. alien.

QUÆSTIO II.

*An Emptione & Conductione acquiri Clericis Jus
Decimarum possit.*

SUMMARIUM.

433. *Jus decimandi emi non po-
test.*

434. *Emi potest utilitas perce-
piendorum fructuum.*

435. *Et conducti.*

433 **A**ssert. I. Jus decimarum for-
maliter acceptum, seu ut fun-
datum est in titulo spirituali, sive
officio & obligatione ministrandi
spiritualia, etiam ab Ecclesiastica
persona emi vel conduci nequit.
Assertio certa est, patetque ex tot.

tit. de Simon. quia sic acceptum est
spirituale; at spirituale pro tempo-
rali (quod sit in emptione & condu-
ctione) comparari non potest.

Assert. II. Jus decimarum ma- 434
terialiter acceptum & præcisum à
spirituali, sive quoad utilitatem

B b 2 per-